



Bosna i Hercegovina
Federacija Bosne i Hercegovine
KANTON SARAJEVO-OPĆINA HADŽIĆI
- Općinsko vijeće -



IZVJEŠTAJ
O RADU OPĆINSKOG VIJEĆA I NJEGOVIH RADNIH
TIJELA ZA 2011. GODINU

Hadžići, januara 2012. godine

I - U V O D

U skladu sa članom 24. Statuta Općine Hadžići („Službene novine Kantona Sarajevo“, broj: 15/09) i člana 52. Poslovnika Općinskog vijeća Hadžići („Službene novine Kantona Sarajevo“, broj: 15/09), OVH na 23. sjednici održanoj dana 30.12.2010. godine usvojilo Program rada Općinskog vijeća za 2011. godinu (u daljem tekstu Program rada).

Program rada je obuhvatao razmatranje akata koji proizilaze iz djelokruga rada Općinskog vijeća Hadžići, odnosno iz nadležnosti utvrđenih Ustavom Federacije BiH, Ustavom Kantona Sarajevo, Zakonom o principima lokalne samouprave posebno Statutom Općine Hadžići i Poslovníkom Općinskog vijeća Hadžići, kao i drugim propisima, a o kojima je odlučivalo Vijeće u okviru svojih prava, dužnosti i odgovornosti.

Kako je Vijeće u članu 53. Poslovnika Općinskog vijeća utvrdilo obavezu podnošenja javnosti godišnjeg izvještaja o svome radu, to je kroz Izvještaj za 2011. godinu dat prikaz realizacije Programa rada Vijeća u tematskom i normativnom dijelu. Pored navedenog u Izvještaju je dat kratak osvrt na rad komisija Vijeća, kako stalnih radnih tijela, a koja su u 2011. godini održale svoje sjednice i Stručne službe za poslove Općinskog vijeća, kao i Prijedlog mjera u cilju kvalitetnijeg i efikasnijeg rada Vijeća.

Za sve materijale obrađivači su bile, uglavnom, nadležne općinske službe, a predlagač Općinski načelnik, osim materijala kada je posebnim propisom utvrđen ovlašteni predlagač, odnosno javna preduzeća i javne ustanove i neka radna tijela Vijeća.

Općinsko vijeće realiziralo je svoj Program rada kroz 8 redovnih sjednica, jedna tematska i dvije svečane sjednice koje su održane povodom obilježavanja Dana Općine Hadžići i Dana Državnosti BiH, te svečanog prijema u povodu Dana državnosti BiH i Nove godine.

Na redovnim i tematskoj sjednici Vijeće je razmotrilo dostavljene materijale na način i u obimu kako je to navedeno u daljnjem tekstu ovog Izvještaja.

II - N O R M A T I V N I D I O

O d l u k e i r j e š e n j a

U normativnom dijelu, koji se odnosio na planirane odluke, od 5 (pet) planiranih prema programu rada Općinskog vijeća, Vijeću je dostavljeno na razmatranje 18 odluka i jedan Pravilnik.

Vijeće je usvojilo sljedeće odluke:

- Budžet Općine Hadžići za 2012. godinu;
- Odluka o izvršavanju Budžeta Općine Hadžići u 2012. godini;
- Odluka o utvrđivanju priznanja i nagrada Općine Hadžići za 2011. godinu;
- Rješenje o razrješenju člana Komisije za nadzor zakonitosti rada;
- Rješenje o imenovanju člana Komisije za nadzor zakonitosti rada;
- Rješenje o razrješenju predsjednika i članova Komisije za ljudska prava i ravnopravnost spolova;
- Rješenje o imenovanju predsjednika i članova Komisije za ljudska prava i ravnopravnog spolova;
- Odluka o izmjenama i dopunama Budžeta Općine Hadžići za 2011. godinu;

- Odluka o izmjenama i dopunama Odluke o izvršavanju Budžeta Općine Hadžići za 2011. godinu;
- Kriteriji o raspodjeli sredstava iz Budžeta Općine za 2011. godinu - podrška poljoprivredi;
- Odluka o jedinstvenim kriterijima za raspodjelu sredstava obezbjeđenih u Budžetu Općine Hadžići za finansiranje boračkih udruženja;
- Odluka o kriterijima, načinu i postupku raspodjele sredstava iz granta „Projekti mladih“, koji se finansiraju i sufinansiraju sredstvima iz Budžeta Općine Hadžići;
- Odluka o pristupanju izradi dokumenta „Strategija za mlade Općine Hadžići za period 2012. - 2015. godina;
- Odluka o sjeći i potkresivanju stabala
- Odluka o utvrđivanju kriterija, postupka i načina obilježavanja ulica, trgova, parkova, mostova, institucija, ustanova, naselja i naseljenih mjesta imenima i zgrada brojevima na području Općine Hadžići – Nacrt;
- Odluka o imenovanju Općinskog pravobranioca;
- Odluka o utvrđivanju koeficijenta za obračun plaće Općinskog pravobranioca;
- Odluka o prestanku mandata Fišo Melisa izabranog vijećnika u Općinskom vijeću Hadžići;
- Odluka o verifikaciji mandata Bajraktarević Ešrefa izabranog vijećnika u Općinskom vijeću Hadžići;

Na kraju ovog dijela izlaganja može se zaključiti da je Vijeće u 2011. godini po raznim pravnim osnovama donijelo ukupno 23 normativnih akata, uključujući i one koje su bile planirane, kao i one koje je predlagatelj dostavio mimo Programa rada za 2011. godinu, od čega su četiri rješenja o razrješenju i imenovanju.

Rješenja

Pored navedenih Odluka i drugih normativnih akata, Vijeće je u 2011. godini donijelo, kao nadležni organ, jedan broj odluka i rješenja o utvrđivanju općeg interesa za izgradnju infrastrukturnih objekata, o utvrđivanju prava vlasništva na gradskom građevinskom zemljištu, o dodjeli neizgrađenog gradskog građevinskog zemljišta u državnom vlasništvu, o preuzimanju zemljišta radi privođenja trajnoj namjeni. Po navedenim osnovama Vijeće je donijelo 12 rješenja i 3 odluke.

Programi i Planovi

U Programu rada Vijeća za 2011. godinu planirana su 2 (dva) Programa i to:

- Program rada Jedinstvenog općinskog organa uprave Općine Hadžići za 2011. godinu;
- Program rada Općinskog vijeća Hadžići za 2012. godinu.

U toku 2011. godine Općinsko vijeće razmatralo je sljedeće programe i planove:

- Program rada Jedinstvenog Općinskog organa uprave Općine Hadžići za 2011. godinu
- Program rada Općinskog vijeća Hadžići za 2012. godinu.
- Plan aktivnosti KJKP „Rad“ za 2011. godinu na području općine Hadžići
- Plan aktivnosti JKP „Komunalac“ Hadžići za 2011. godinu
- Plan aktivnosti KJKP „Toplane“ za 2011. godinu
- Plan aktivnosti „Sarajevogas“ za 2011. godinu
- Plan aktivnosti „Elektro distribucije“ Sarajevo za 2011. godinu
- Strategija za mlade Općine Hadžići za period od 2012. do 2015. godine

III - TEMATSKI DIO

U tematskom dijelu Vijeće je razmatralo Budžet Općine Hadžići za 2011. i 2012. godinu, izvještaje, informacije, te programe i planove, Kalendar obilježavanja značajnih događaja i ličnosti Kantona Sarajevo i Strategiju za mlade općine Hadžići.

Izvještaji

U tematskom dijelu koji se odnosio na izvještaje, od planiranih 8 (osam), Vijeću je dostavljeno na razmatranje svih 8 (osam) izvještaja, dok su tri izvještaja razmatrana i usvojena mimo Programa rada, a odnose se na:

- Izvještaj o pripremi i provođenju Općih izbora 3. oktobra 2010. godine
- Izvještaj o radu Komisije za provođenje konkursa za dodjelu građevinskog zemljišta
- Izvještaj o realizaciji zaključaka sa prethodnih sjednica Općinskog vijeća

Vijeće je tokom 2011. godine razmotrilo i usvojilo sljedeće izvještaje:

- Izvještaj o radu Općinskog vijeća i njegovih radnih tijela za 2010. godinu;
- Izvještaj o pripremi i provođenju Općih izbora 3. oktobra 2010. godine
- Izvještaj o radu Jedinog općinskog organa uprave Općine Hadžići za 2010. godinu;
- Izvještaj o radu Fonda za stipendiranje učenika i studenata „Mehmedalija Hujić“ Hadžići za 2010. godinu;
- Izvještaj o izvršenju Budžeta Općine Hadžići za period od 01.01. – 31.12.2010. godine;
- Izvještaj o radu KSIRC-a Hadžići za 2010. godinu;
- Izvještaj o radu JKP „Komunalac“ Hadžići za 2010. godinu i Plan aktivnosti za 2011. godinu;
- Izvještaj o radu Pravobranilaštva Kantona Sarajevo u 2010. godini za Općinu Hadžići;
- Izvještaj o izvršenju Budžeta Općine Hadžići za period 01.01. – 30.06.2011. godine;
- Izvještaj o radu Komisije za sprovođenje Konkursa za dodjelu građevinskog zemljišta;
- Izvještaji o realizaciji zaključaka sa prethodnih sjednica Općinskog vijeća.

Informacije

U izvještajnom periodu Vijeće je razmatralo ukupno 33. informacije, i to:

- Informacija o radu Policijske uprave Ilidža – Stanica policije Hadžići za 2010. godinu;
- Informacija Odsjeka kriminalističke policije od 01.01. do 31.12.2010. godine;
- Informacija o stanju zdravstvene zaštite na području Općine Hadžići;
- Informacija o radu Kantonalne veterinarske stanice Sarajevo za Općinu Hadžići
- Informacija o informisanju u Općini Hadžići;
- Informacija o aktivnostima "Elektrodistribucije" za 2010. godinu i Plan aktivnosti za 2011. godinu;
- Informacija o zimskom održavanju puteva na području Općine;
- Informacija o radu JKP «Toplane» Sarajevo za 2010. godinu i Plan aktivnosti za 2011.g.;
- Informacija o implementaciji recertificiranog sistema upravljanja kvalitetom po novoj normi ISO 9001:2008;
- Informacija o toku i preduzetim aktivnostima na izradi Strategije za mlade Općine Hadžići za period 2012 – 2015. godine;

- Informacija o korištenju i naplati javnih površina;
- Informacija o izvršenju Budžeta Općine Hadžići za period 01.01. – 31.03.2011. godine;
- Informacija o stanju kulture u Općini Hadžići;
- Informacija o ugroženosti teritorije Općine Hadžići od minsko – eksplozivnih i neeksplozivnih ubojitih sredstava;
- Informacija o radu udruženja registrovanih na području Općine Hadžići;
- Informacija o aktivnostima KJKP „RAD“ za 2010. godinu i Plan aktivnosti za 2011. godinu;
- Informacija o ostvarivanju socijalne zaštite na području Općine;
- Informacija o ostvarivanju dječije zaštite i zaštite civilnih žrtava rata;
- Informacija o stanju protiv požarne zaštite na području Općine i prijedlogom mjera za unapređenje protiv požarne zaštite;
- Informacija o stanju u oblasti bespravne gradnje na području Općine Hadžići;
- Informacija o unutrašnjoj organizaciji i stanju kadrova Jedinog općinskog organa uprave;
- Informacija o samostalnom privređivanju i privredi Općine Hadžići;
- Informacija o stanju poljoprivrede u Općini Hadžići;
- Informacija o stanju mladih i sporta na području Općine Hadžići;
- Informacija o aktivnostima na provođenju LEAP-a;
- Informacija o uspjehu i vladanju učenika osnovnih i srednje škole na području Općine Hadžići, na kraju školske 2010/2011. g. i upis na početku školske 2011/2012. godine;
- Informacija o izvršenju Budžeta Općine Hadžići za period 01.01. – 30.09.2011. godine;
- Informacija u oblasti komunalne inspekcije na području Općine Hadžići;
- Informacija o izgradnji i modernizaciji lokalnih puteva;
- Informacija o stanju u oblasti boračko – invalidske zaštite, položaja članova šehidskih porodica i porodica poginulih boraca, RVI i demobilisanih boraca;
- Informacija o radu organa mjesnih zajednica;
- Informacija o funkcionisanju JU KSIRC Hadžići za 2010. godinu;
- Informacija o stanju objekata domova kulture na području općine sa prijedlogom mjera.

U okviru planiranih informacija koje su dostavljene Vijeću, njihovo razmatranje rezultiralo je usvajanjem mjera u cilju poboljšavanja stanja u oblasti koju su tretirale.

Obzirom na značaj problematike koju je obrađivala Informacija o stanju zdravstvene zaštite na području Općine Hadžići, Vijeće je donijelo zaključak koji je u značajnoj mjeri i realizovan, tako da su evidentni pomaci u pružanju zdravstvene zaštite na području Općine, međutim u toku 2011. godine, ponovo je došlo do problema u funkcioniranju OJ Dom zdravlja Hadžići, zbog nedostatka kadrova koji do danas nisu riješeni, zbog čega je Vijeće donijelo novi Zaključak na 26. sjednici održanoj 28.04.2011. godine, koji je dostavljen nadležnim institucijama na hitno rješavanje.

IV - IZBOR I IMENOVANJA

Općinsko vijeće je u skladu sa svojim pravima i dužnostima utvrđenim u članu 24. Statuta Općine Hadžići („Službene novine Kantona Sarajevo“, broj: 15/09) i člana 28 – 34. Poslovnika Općinskog vijeća („Službene novine Kantona Sarajevo“, broj: 15/09, donijelo

rješenja o izboru, imenovanju i razrješenju članova jednog broja stalnih radnih tijela Vijeća, i to: Komisiji za ljudska prava i ravnopravnog spolova i Komisije za nadzor zakonitosti rada kao i imenovao Općinskog pravobranioca.

V - TEMATSKE SJEDNICE

U skladu sa članom 54. Poslovnika Općinskog vijeća, Vijeće je 12.05.2011. godine održalo Tematsku sjednicu na kojoj su vijećnici razmatrali Analizu rada Udruženja građana na području Općine Hadžići i donijeli Zaključak. O realizaciji ovog Zaključka Vijeće će se informisati na jednoj od sjednica Vijeća u toku 2012. godine.

VI - SVEČANE SJEDNICE

Programom rada Općinskog vijeća za 2011. godinu utvrđeno je i održavanje svečanih sjednica povodom Dana Općine i Dana Državnosti, koje su realizovane, a vijećnici su prisustvovali svečanim sjednicama koje su organizovane na nivou Kantona i grada Sarajeva povodom Dana oslobođenja i drugih praznika. Također, planiran je i svečani prijem predsjedavajućeg Općinskog vijeća i Općinskog načelnika povodom Dana državnosti i Nove godine.

VII - STALNA RADNA TIJELA OPĆINSKOG VIJEĆA

Na osnovu člana 30. Statuta Općine Hadžići, a shodno članu 28 - 34. Poslovnika Općinskog vijeća, Vijeće je svojom Odlukom broj: 01-01.2-5435/09 od 02.07.2009. godine obrazovalo svoja stalna radna tijela radi olakšanja i unapređenja efikasnosti rada Vijeća.

Radna tijela su, svako u okviru svoga djelokruga rada, razmatrala pitanja koja su od interesa za Vijeće, te skoro sve nacрте i prijedloge Odluka, rješenja i drugih akata iz nadležnosti Vijeća.

U pripremi sjednica Vijeća radna tijela su dala značajan doprinos svojim mišljenjima, prijedlozima, sugestijama i prijedlogom zaključaka da sjednice budu kvalitetnije i efikasnije. U ovom poglavlju Izvještaja dat je osvrt na rad radnih tijela koja su u 2011. godini održala svoje sjednice:

1. Komisija za statut i propise

Ova Komisija je u 2011. godini održala dvije sjednice. Kako je jedan od osnovnih zadataka ove Komisije razmatranje nacрта i prijedloga odluka i drugih akata u pogledu njihove usklađenosti sa Ustavom, Zakonom, Statutom Općine i drugim propisima, kao i njihova pravna obrada, Komisija je po materijalima koje je razmatrala dala pozitivno mišljenje uz navođenje eventualnih primjedbi, koje su kroz stavove Komisije dostavljeni Općinskom vijeću.

2. Komisija za budžet, finansije i ekonomska pitanja

Komisija je u izvještajnom periodu održala 3 sjednica. Na sjednicama su razmatrani materijali koji se odnose na Budžet Općine Hadžići (izvještaje i informacije i Odluke o rebalansu i izvršavanju Budžeta), a koje je razmatralo i donosilo Vijeće.

3. Komisija za izbor i imenovanje

Općinsko vijeće je, na prijedlog Komisije, a u skladu sa svojim pravima i dužnostima utvrđenim u članu 41. Poslovnika, donijelo Odluke o razrješenju i imenovanju članove Komisije za nadzor zakonitosti rada i Komisije za ljudska prava i ravnopravnost spolova.

4. Komisija za praćenje položaja boraca, RVI i porodica šehida i poginulih boraca

Komisija je, u skladu sa svojim djelokrugom rada, pratila stanje u ovoj oblasti na području Općine i razmatrala Informaciju o stanju u oblasti boračko – invalidske zaštite, položaja članova šehidskih porodica i porodica poginulih boraca, RVI i demobilisanih boraca. Uz podršku Informacije Komisija je predložila Vijeću da se u narednom periodu rješavaju efikasnije dopunsko pravo demobilisanih boraca kroz neke druge zakone, a da se u tu aktivnost uključe Općinsko vijeće i Služba Općine za boračko – invalidsku zaštitu, kao i boračka udruženja, kako bi se ne materijalna prava boraca dovela na nivo koji joj pripada.

Komisija je poseban doprinos dala na realizaciji Zaključaka Općinskog vijeća Hadžići sa 18. sjednice održane 27.05.2010. godine, kojim je tačkom 6. Zaključka naloženo da se za budžetsku 2011. godinu pripremi i donese Odluka o jedinstvenim kriterijima za raspodjelu sredstava obezbjeđenim u Budžetu Općine za finansiranje boračkih udruženja, a da će se dodjela sredstava vršiti na osnovu odobrenih programa – projekata po raspisanom javnom pozivu.

Ova Komisija je, na svojoj sjednici održanoj 27.12.2010. godine, utvrdila Nacrt Odluke o jedinstvenim kriterijima za raspodjelu sredstava obezbjeđenih u Budžetu Općine za finansiranje boračkih udruženja i isti uputila Komisiji za Statut i propise da se očituje u pogledu njene usklađenosti sa propisima i pravnom obradom, nakon čega je ova Odluka ponuđena Općinskom vijeću na donošenje na 24. sjednici održanoj 10.02.2011. godine. Komisija je održala tri sjednice.

5. Komisija za obilježavanje značajnih događaja i ličnosti

Komisija je u izvještajnom periodu održala 3 sjednice, na kojima je razmatrala programe obilježavanja značajnih događaja i ličnosti u Općini Hadžići uz koordinaciju sa boračkim udruženjima, a isto tako razmatrala je i utvrdila prijedlog Mišljenja o izmjeni i dopuni Kalendara za obilježavanje značajnih događaja i ličnosti iz perioda odbrambeno – oslobodilačkog rata 1992 – 1995 godina na području Kantona Sarajevo, koje je Općinsko vijeće Hadžići utvrdilo.

6. Administrativna komisija

Komisija je održala jednu sjednicu na kojoj je utvrdila Prijedlog Odluke o koeficijentu za obračun plaće Općinskom pravobraniocu.

Odluku je Vijeće prihvatilo i donijelo na 30. sjednici održanoj 30.11.2011. godine.

7. Komisija za odlikovanja i Općinska priznanja

U 2011. godini Komisija je održala jednu sjednicu na kojoj je, u skladu sa svojim djelokrugom rada, utvrdila prijedloge za dodjelu Općinskih priznanja i ponudila Vijeću prijedlog Odluke o dodjeli Općinskih priznanja za 2011. godinu.

Općinsko vijeće Hadžići nije donijelo ovu Odluku, jer nije dobila potrebnu većinu glasova.

8. Komisija za sport i mlade

Komisija za sport i mlade u protekloj godini održala je 5 radnih sjednica na kojima se uglavnom razgovaralo o aktuелnoj problematici, primjeni Zakona o mladina Federacije BiH i izboru i realizaciji projekata koji se direktno finansiraju iz Budžeta općine Hadžići, odnosno iz granta za mlade. U ovoj godini predstavnik Kabineta Općinskog načelnika, g-din Proha Eldar dao je ogroman doprinos implementaciji Zakona o mladina F BiH te mu se ovim putem Komisija zahvaljuje i čestita na realizaciji postignutog. Članovi Komisije dali su svoj puni doprinos aktivnim učešćem u raznim aktivnostima i realizaciji projekata organizovanim u 2012. godini. U cilju kvalitetne informisanosti službe, navest ćemo neke od njih:

- Učešće u izboru najuspješnijih sportista i sportskih ekipa općine Hadžići
- Okrugli sto na temu „Nedostatak Centra za mlade i primjena Zakona o mladina FBiH“
- (Radni sastanak održan je sa sekcijom CIVITAS, Osnovne škole „6. mart“)
- Okrugli sto na temu „Zakon o mladina F BiH“ sa posebnim osvrtom na grant za mlade predviđen Budžetom općine Hadžići za 2011. godinu)
- (Radni sastanak održan sa predstavnicima sportskih kolektiva, predstavnika obrazovanja i kulturno - umjetničkih društava te nevladinih udruženja „4.decembar“ i „Idila“)
- Učešće u Komisiji za odabir najpovoljnijeg projekta, a koji se finansirao iz granta za mlade Budžeta općine Hadžići
- Učešće u pripremi i realizaciji projekta „OPEN FUN FOOTBALL SCHOOLS“
- Učešće u pripremi i izradi „Strategije za mlade općine Hadžići za period 2012-2015. godinu“

9. Savjet za unapređenje zdravstvene zaštite i kvaliteta usluga, kao i promociju porodične medicine

Savjet za unapređenje zdravstvene zaštite i kvaliteta usluga, kao i promociju porodične medicine je dao veliki doprinos u pripremi i donošenju zaključaka Općinskog vijeća iz oblasti zdravstva i porodične medicine.

Također, ovaj Savjet je učestvovao u organizaciji Presentacije Projekta Koštane srži, koja je održana 01.12.2011. godine

10. Komisija za provođenje konkursa za dodjelu građevinskog zemljišta

Komisija za provođenje konkursa za dodjelu građevinskog zemljišta održala je dvije sjednice na kojima je razmatrala prispjele prijave na konkurs za dodjelu građevinskog zemljišta. Nakon toga je Komisija sačinila Izvještaj za provođenje Konkursa, kojeg je Općinsko vijeće, na 26. sjednici održanoj dana 28.04.2011. godine, razmatralo i donijelo Zaključak, kojim se prihvata Izvještaj Komisije za provođenje konkursa za dodjelu građevinskog zemljišta.

11. Drugostepeni organ za žalbe

Drugostepeni organ za žalbe održao je tri sjednice na kojima je razmatrao žalbe na rješenja za obračun troškova uređenja građevinskog zemljišta. Žalbe su bile dopuštene, pravovremene i izjavljene od ovlaštenih osoba, ali ih je Drugostepeni organ za žalbe svojim rješenjima odbio kao neosnovanu jednu žalbu, a jednu žalbu na rješenje je vratio na ponovni postupak Općinskoj službi.

Napominjemo da je žalbu podnijela Mulaomerović Mejra na dopunsko Rješenje Općinskog načelnika.

12. Komisija za predstavke, prijedloge i pritužbe

Komisija za predstavka, prijedloge i pritužbe održala je jednu sjednicu na kojoj je razmatrala Prigovor Neradin Ajdina na Odluku Općinskog vijeća broj: 01-01.2-8563/11. od 30.11.2011. godine (imenovanje Općinskog pravobranioca).

13. Komisija za prostorno planiranje, uređenje i ekologiju

Komisija za prostorno planiranje, uređenje i ekologiju održala je jednu sjednicu (21.12.2011. godine), na kojoj je razmatrala Zahtjev „INGRAP“ d.d. Hadžići u stečaju, koji se odnosi na traženje saglasnosti za korištenje puteva od Općinskog vijeća.

Komisija je zaključila da se prethodno traži tumačenje Zakona o cestama Federacije BiH, konkretno nadležnost oko izdavanja odobrenja za priključak na lokalnu cestu od Federalnog ministarstva prometa i komunikacija. Zahtjev je upućen i po dobivanju tumačenja postupit će se po zahtjevu, o čemu će biti informisano i Općinsko vijeće.

14. Komisija za poslove mjesnih zajednica

Komisija za poslove mjesnih zajednica održala je jednu sjednicu na kojoj je razmatrala Informaciju o stanju objekata društvenih domova na području Općine Hadžići, sa prijedlogom mjera i Informacija o radu organa mjesnih zajednica na području Općine Hadžići. Predsjednik Komisije je na 30. sjednici Općinskog vijeća iznio mišljenje Komisije, kojeg je prihvatilo Vijeće.

VIII – STRUČNA SLUŽBA ZA POSLOVE OPĆINSKOG VIJEĆA

Stručna služba za poslove Općinskog vijeća osnovana je Odlukom o osnivanju Stručne službe za poslove Općinskog vijeća broj: 01-01.2-4616/09 od 02.07.2009. godine.

Služba vrši stručne, administrativne i druge poslove za potrebe Općinskog vijeća i radnih tijela Vijeća, vijećnika i klubova vijećnika u Vijeću, predsjedavajućeg, zamjenika predsjedavajućeg i sekretara Vijeća, a naročito: poslove koji se odnose na stručne i administrativne poslove u pripremi nacrti i prijedloga propisa i drugih akata za Vijeće i organe; poslove u vezi pripremanja sjednica Vijeća i radnih tijela Vijeća; konsultativnih

sastanaka klubova vijećnika i parlamentarnih političkih stranaka; izradu zapisnika sa sjednica, kao i praćenje realizacije njihovih odluka i zaključaka; vrši stručne analize, priprema izvještaje i informacije za potrebe Vijeća; pruža stručne i druge pomoći klubovima vijećnika i vijećnicima u ostvarivanju njihovih prava i dužnosti; koordiniranje rada između Vijeća, Općinskog načelnika i drugih općinskih službi, organizacija i zajednica; vođenje evidencije i čuvanje originala propisa i drugih općih akata Vijeća, radnih tijela Vijeća i stara se o njihovom blagovremenom objavljivanju, vodi evidenciju i čuva dokumentaciju o radu Vijeća i njegovih radnih tijela; obavlja kabinetske, protokolarne, operativno – tehničke i druge poslove za potrebe predsjedavajućeg, zamjenika predsjedavajućeg i sekretara Vijeća; vrši i druge poslove koji joj se stave u zadatak u okviru njene nadležnosti.

Isto tako Služba osigurava da se putem štampe, radija i televizije i drugih sredstava javnog informisanja i komuniciranja obavještavaju građani o pitanjima koja se razmatraju i o kojima se odlučuje u Vijeću o donesenim odlukama i drugim aktima iz nadležnosti Vijeća i njegovih radnih tijela. Služba obavještava predsjedavajućeg, zamjenika predsjedavajućeg i klubove vijećnika u Vijeću o svim pitanjima od interesa za Općinu koja se razmatraju i o kojima se odlučuje u Vijeću, kako bi im se omogućilo da utvrde stavove i smjernice za rad vijećnika u Vijeću.

Pravilnikom o unutrašnjoj organizaciji Stručne službe za poslove Općinskog vijeća Hadžići broj: 01-05.2-4617/09 od 02.09.2009. godine utvrđena je unutrašnja organizacija, način rukovođenja, planiranje i izvršavanje poslova, ovlaštenja i odgovornosti državnih službenika u obavljanju poslova, ukupan broj državnih službenika, naziv i raspored poslova sa opisom poslova za svakog državnog službenika, potrebni uvjeti u pogledu stručne spreme i drugi uvjeti za rad na odnosnim poslovima, te druga pitanja koja se odnose na organizaciju rada.

Prema Pravilniku o unutrašnjoj organizaciji utvrđeni su poslovi i zadaci za tri izvršioca, a popunjena su dva mjesta, sekretar Općinskog vijeća i stručni savjetnik, koji sa 31.01.2012. godine ide u penziju.

Također, Odlukom o osnivanju utvrđeno je da Služba radi u okviru Programa rada Vijeća, na izvršavanju poslova i zadataka koje joj odredi Vijeće, radna tijela Vijeća, predsjedavajući, zamjenik predsjedavajućeg i sekretar Vijeća, te je kroz Izvještaj o radu Općinskog vijeća i njegovih radnih tijela za 2011. godinu, iako to nije naglašeno, obuhvaćen i rad Službe. Služba je u protekloj 2011. godini izvršila blagovremene pripreme za održavanje sjednica Vijeća, izradila i pravno – tehnički obradila sve donesene akte, koji su blagovremeno dostavljeni Općinskom načelniku i općinskim službama, radnim tijela Općinskog vijeća, javnim preduzećima i javnim ustanovama, kada su bili predlagači akata i na objavu u „Službene novine Kantona Sarajevo“, kada je objavljivanje bilo propisano.

Pored naprijed navedenog, Stručna služba za poslove Općinskog vijeća je pripremila ili aktivno učestvovala u izradi nacрта i prijedloga mnogih materijala za Vijeće i radna tijela Vijeća. Ova Služba je u izvještajnom periodu zaprimila i obradila ukupno 340 predmeta.

Također, sve sjednice radnih tijela Općinskog vijeća pripremljene su, održane i materijali sa sjednica obrađeni, te dostavljeni Vijeću i po potrebi drugim subjektima.

Stručna služba za poslove Općinskog vijeća takođe, poslije svake održane sjednice (Vijeća, Kolegija vijeća i komisija) dostavlja Odsjeku za Budžet i finansije evidenciju o prisustvu sjednici i sačini Zaključak o isplati naknade za učešće u radu na sjednici. U 2011. godini

Služba je uradila 48. zaključaka o isplati naknade, kao i 12. zaključaka o refundaciji sredstava po osnovu dobrovoljnog osiguranja za jednog vijećnika.

IX - ZAKLJUČNA RAZMATRANJA

Uvidom u Program rada Vijeća za 2011. godinu i izvršene analize realizacije istog, može se zaključiti da je Program rada u odnosu na planirano u potpunosti skoro realizovan. Od ukupno planiranih 52 teme, Vijeću je do kraja 2011. godine dostavljeno na razmatranje i usvajanje 50 materijala u prijedlogu ili nacrtu, a samo Vijeću nisu dostavljene informacije o radu „GRAS-a“ i „ZOI 84“ za 2010. godinu.

Općinski načelnik, u svojstvu predlagača, uputio je Vijeću na razmatranje 83 materijala od čega 54 mimo planiranog u Programu rada za 2011. godinu. Predmetni materijali odnosili su se na izvještaje (7), informacije (27), odluke (14), rješenja (15), planove i programe (2), Strategiju za mlade Općine (1), zaključke (3) i odgovore na vijećnička pitanja (11), kao i druge akte razmatranja iz nadležnosti Vijeća.

Mimo programa su predložena dva materijala i to od strane Općinske izborne komisije i Odsjeka kriminalističke policije Policijske uprave Ilidža.

U tabelarnom prikazu dat je prikaz ukupnog broja održanih sjednica Općinskog vijeća, planirani materijala, te broja realizovanih materijala po Programu rada i mimo Programa rada Vijeća za 2011. godinu.

Ukupan broj održanih sjednica Općinskog vijeća	Ukupan broj održanih sjednica radnih tijela Vijeća	Ukupan broj planiranih tema po Programu rada Općinskog vijeća	Nerealizirano po Programu rada	Realizirano mimo Programa rada
10	39	52	2	85

Pripremu i rad sjednica Vijeća u kontinuitetu je pratio i rad stalnih radnih tijela, što dokazuje opravdanim donošenjem okvirnog Programa rada, jer se na taj način daje mogućnost predlagaču da pravovremeno reagira na promjene zakonske regulative u cilju usaglašavanja normativnih akata, ili donošenja pojedinačnih akata kada je zakonom propisano da je Vijeće nadležni organ za njihovo donošenje.

Programom rada ostavlja se mogućnost i Općinskom vijeću da samoinicijativno ili po prijedlogu viših nivoa vlasti, zauzme stavove po određenim pitanjima ili da mišljenje na akte viših nivoa vlasti kada se to od Vijeća traži.

Uspješnom radu Vijeća doprinijela je kvalitetna priprema sjednica od strane radnih tijela i Kolegija vijeća, kao i blagovremena priprema materijala od strane predlagača i obrađivača materijala. Urađeni su blagovremeno svi zapisnici sa sjednica Vijeća, zaključci, stavovi i mišljenja komisija po svim tačkama iz saziva sjednica Vijeća, te razni dopisi po zaključcima Vijeća ili komisija. Također, veliki doprinos uspješnom radu Vijeća doprinio je i Kolegij Vijeća, koji je održao 10 redovnih sjednica na kojima je utvrđivao prijedlog dnevnog reda i termina održavanja sjednica Vijeća, kao i 10 sjednica prije održavanja sjednica Vijeća. Uglavnom, Kolegij Vijeća je radio u punom sazivu.

Isto tako, vijećnici su kroz vijećnička pitanja, kojih je bilo 12 u 2011. godini, te zahtjevima da se razmatraju određena pitanja iz djelokruga rada Vijeća, ukazivali na probleme vezano za oblast komunalne infrastrukture, komunalne higijene, socijalnog zbrinjavanja lica sa posebnim potrebama, obrazovanja, zdravstvene zaštite građana, te ostalih pitanja čije rješavanje je od interesa za građane i naselja u kojima žive.

Postavljajući navedena pitanja vijećnici su insistirali da njihovo rješavanje mora biti efikasnije i kvalitetnije u cilju osiguranja lokalnih potreba stanovništva, što je osnovna obaveza Općine, kao jedinice lokalne samouprave.

Tako su, i kroz vijećnička pitanja, vijećnici iskazivali osjećaj odgovornosti i mnogo bolje komunikacije sa građanima, koji su ih i birali.

Javnost rada Vijeća

Općina je po Zakonu obavezna osigurati, razvijati i jačati javnost rada, kao preduslov efikasnijeg političkog nadzora i garancije da će njeni organi provoditi svoje dužnosti u interesu lokalne zajednice.

Javnost rada je bila osigurana kroz obavještenja o sjednicama Vijeća, planiranja i pripremanja odluka, tako i u svim fazama njihove realizacije. Naglašavamo da su sve važnije odluke, pored Budžeta Općine, pogotovo one kojima se reguliše prostorno – planska oblast ili koje se odnose na utvrđivanje fiskalnih obaveza iz nadležnosti Općine, dostavljene na Javnu raspravu. Općinsko vijeće ih je usvajalo nakon provedenih javnih rasprava. Na taj način data je mogućnost građanima, kao i ciljnim grupama, da aktivno učestvuju u njihovom kreiranju.

Kako ranijih godina, tako je Vijeće i u 2011. godini nastavilo u svom radu dosljedno slijediti načelo javnosti i na način da su sjednice Vijeća prezentovane putem TV SA i MTV „Igman“ i Biltena Općine, kao i na web stranici Općine.

Tako je građanima Općine Hadžići omogućen blagovremen, potpun i objektivan pristup informacijama koje se tiču rada Vijeća, a naročito odlukama koje je Vijeće donosilo. Sve usvojene odluke, rješenja i druga akta Vijeće je objavilo u „Službenim novinama Kantona Sarajevo“, čije je objavljivanje propisano Poslovníkom Općinskog vijeća Hadžići. U 2010. godini objavljeno je 16 akata, a 3 akta sa 31 sjednice Vijeća čeka objavu u „Službenim novinama Kantona Sarajevo“.

U ostvarivanju svojih Ustavom, Zakonom i Statutom utvrđenih prava, obaveza i odgovornosti, Općinsko vijeće je nastojalo razviti dobre odnose saradnje i međusobnog uvažavanja sa svim političkih subjektima, udruženjima, nevladinim organizacijama sa područja Općine Hadžići i Kantona Sarajevo.

X - PRIJEDLOG MJERA

Imajući u vidu značaj Vijeća, a cijeneći sve naprijed izneseno, a posebno primjedbe i sugestije vijećnika koje su se iznosile na sjednicama Vijeća, u cilju još kvalitetnijeg i efikasnijeg rada Vijeća u buduću, potrebno je više pažnje posvetiti slijedećem:

- Sve općinske službe dužne su više pažnje obratiti na planirane programske aktivnosti Vijeća, te u skladu sa istim proslijediti materijale Vijeću na razmatranje u propisanim rokovima ili o razlozima ne dostavljanja obavijestiti Kolegij Vijeća;
- Nadležne općinske službe su dužne više pažnje posvetiti vijećničkim pitanjima i prilikom obrade istih dostaviti ih na vrijeme, ponuditi potpunije odgovore, te poduzeti adekvatne mjere na otklanjanju uočenih propusta, obzirom na česte primjedbe vijećnika na ne odgovaranje ili nepotpune odgovore;
- Na kraju bi zaključili konstatacijom da Općinsko vijeće i Općinski načelnik imaju jedinstven cilj, a to je poboljšanje funkcionisanja organa Općine i statusa Općine, te da su kao izabrani zvaničnici predstavnici svih građana i svakog pojedinog građanina koji je za njih glasao, bez obzira na političko opredjeljenje, etničku ili nacionalnu pripadnost.

Broj: 01-01.2-1207/2012.
Hadžići, 20.01.2012. godine

P r e d s j e d a v a j u ć i
Općinskog vijeća Hadžići

Jazid Bajrić